

Hunauyuq Nakimaniq?

Nakimaniq aanniarutiuyuq qaritaani qitianilu inggilratjutinggitni talvallaqmi qaritaqmi. Pitjutauhimayut nuvakmin nakimayunik huraani. Takunnalluayuqtut kiighiraanggamik nakimayumit pitjutivaghutik nuvakmit pitjutihimayut aukmik huraamit inukmutluunniit kiiqtamingnut. Pittaarungnaghuyuq aanniarut humut aullaqtiqutik talvuuna nuvaatigut nuvalaghuutitigut iikni, qingaq, qanitigutlu.



Inungni huliyaunggitpata nakimaniq tukutjutitaaqtuq inungmik..

Ilvit pinahuriyauguvit nakimanitigut huraamit:

- Qilaminnaq munarhiliatjavutit takuyaqtuilutin munarhimik.
- Uaqlugu aannikhimania atuqlutin uarutmik imaqmiklu. Atuyuaqlutin imaqmik halummaqyaaginni aanikhimania.
- Piiyaqlugit aannuraatit pinnahugiyayut nuvakmit nakimayumit uatiqtiqlugit.
- Kangirhipkailugit angguhiqiyit nunaffingni

Nakimaniq nakuuhipkainiaraluaqqa?

li. Kiighiqtauguvit nakimayumit, havautikhangnik pittaaqtutin munarhimit daaktimitluunniit nakimalimaittaaginni. Qilaminnaq munarhiliatjavutit. Utaqqiuguvit tukuttaangmat inuk kiighimayuq.

Qanuq pittailinniaraluaqqik nakimaniqmit?

- Ayuirhalugit ilitturilugit nakimahimayut huraatit ilitturilutitlu kitkut hivayaqtarhariyatit takuguvit
- Pittailinnahuaqlurit huraat nakimanahuriyatit
- Nirittailugit niqait huraat nakimanahuriyatnik
- Nighiuqtailugit qinmit niqimik nakimahimanahugiyayumit huraatnik
- Anguniaqtiit atuqtaghagaluat ivyuyunik alraangnik ammiqilugumik, huraat aanniaqtuqanggittutut inniarmatta kihimi aanniarutiqaqtaaqtaangmattatauq

Kahaktaililugit huraat tutqingangittutut ittut qayagiqpiarlutillu pamirhaat hanaqigungni nakimalirnahugigungni.

Tukutinahuaruvit huraanik nakimanahuriyatnik, tukuttailugu niaquatigut, qaritaq ihariariyauniarman ihivriuqtauyaami.

Qanurittut huraat nakimmaqtaaqut?

Tamaita aulit niglayuittumik huraat kupanuatlu nakimmaqtaaqut.

Nunavunmi, tiriranniani nakimayuuqtut. Nakimmaqtaaqutlu qinmini, kayuqtuni, amaruni, tuktuni nanuitnilu.

Hiamittaiyaaginni nakimayunik qanuk pinniaraluakkik?

- **Kapughitjavut qinmihi.** Akiittuq kapughiriami tamainni nunallaani by-law afisiani nunaffingni.
- **Qinmihi haguinnnaqtaililugit.** Qaangiutinaghangmat nakimayumik huraamit ilihimanggillutinlu.
- Havaaqainnaguvit huraatnik, ilvit kapughitjavutit aanniaqinnaittumik nakimayunit.
- Alraannik atuinnaqpaqlutitlu huraatnik hanaqinahuaguvit tukuhimayunik nakimayungnaghuyumik.

